

## **Ci normes y ci regoles mësson pa tigní ite sc'an mët a jí na festa o na manifestaziun publica?**

L'espert invié dal Comun, l'ispetur di Stödafüch en ponsiun Walter Depaoli, á splighé che por la segurëza éson piá ia dan da tröc agn cun n valgônes normes de basa che é indere gñudes tres deplü y tres plü complesses, ince deache an se n'á intenü daimproia che tröpes cosses à debojëgn de gní regolades y normades. Porchël ál él porvé de trá adöm les regoles plü importantes che an mëss savëi sc'an organisëia festes o manifestaziuns publiches y a chères ch'an mëss ince se tigní por evité conseguënzas che podess ester dassënn pesoces. **En kört ál porté dant y splighé chëstes regoles che mëss gní respetades sc'al vëgn metü a jí manifestaziuns publiches alaleria, festes te cité, paisc, sön pra y ti bosć:**

Canch' al vëgn adoré implanc che fej cialt cun na forza termica  $\leq$  35KW (implanc da ciasadafüch) y che funzionëia a gas, mëssel gní garantí l'azes ai mesi di Stödafüch y di sorvisc de pröm aiüt. Implü mëssel gní garantí söl post n sorvisc de proteziun cuntra le medefüch da pert di Stödafüch.

Canch' al vëgn adoré implanc a gas da scialdé alaleria, ch'al sides na baraca o tënda o ince nia, mëssel gní ademplí chëstes ghiranzes minimes:

- 1) Por implanc che fej cialt (forní de ciasadafüch) y che vá a gas cun na forza termica  $>$  35 KW, mësson se tigní a ci che vëgn odü dant dal decret di 12.04.1996 (G.U. di 4 de ma 1996, nr. 103).
- 2) Por i implanc che fej cialt y vá a gas cun na forza termica  $\leq$  35KW mëssel gní respeté les normes tecniche contignüdes ti UNI-Cig 7129, 7130, 7131 y 8723 varënc (chëstes mëss ince gní respetades tl setur privat, cun na detlaraziun dl munter); implü mëssel gní tigní ite chëstes regoles:
  - i implanc/injins che vëgn istalá por la manifestaziun mëss gní metüs te n post olach'al n'é nia prigo de medefüch; al mëss gní tigní na destanza de almanco 5 metri dales tëndes;
  - dlungia i implanc/injins che fej y mëna cialt ne pol nia ester revestimënc/strotòres che s'impëia saurí, sciöche tëndes, tèc o curides de plastica che vëgn val' iade ince adorades por la strotöra incëria; sc'al é strotòres de lëgn (ince ma toc dla baraca) mëss chëstes gní corides jö cun plates de banda o de ghips che ne verd nia;
  - chësta prescriziun vel por dük i implanc/injins che fej cialt (ince chi che vá a strom) y olach'al vëgn scialdé sö öre o gras da cujiné, dal momënt che foradenia podessel lové sö flames;
  - le post de deponüda dles bomboles dal gas ne pó nia superé 75 kg de gas, scenó tomel ite pro n'ativité por chëra ch'al é debojëgn de n'autorisazion apostà y por chëra ch'al é odü dant prozedöres tecniche-aministratives spezifiche;
  - i contignidus dl gas mëss gní metüs defora dales strotòres te n post sconé olache le publich ne pó nia rovè pormez y cun na si incëria (la si mëss ester de n material che ne verd nia);
  - i posc de deponüda dl gas y i forní de ciasadafüch ne pó nia ester stlüic ite y al mëss gní tigní na destanza de almanco 4,5 m da vigni sort de pozët, canal o daurides por la ventilaziun de locai sot tera („bocche di lupo“);
  - i implanc/injins mëss de regola gní tacá ite te na condüta fissa; en caje pól gní adoré na ros flessibili (che se lascia storje) cun na lunghëza mascima de 2 metri, mo al mëss gní tut ros de metal omologá; cina na lunghëza mascima de 1,5 metri pól ince gní tut ros de plastica omologá aladò dla norma UNI-Cig 9740; pro les

- condütes prinzipales mëssel gní istalé n aparat che limitëia la cuantité de gas che passa tres i ros che mëss ester sön mosöra por i injins che vëgn tacá ite;
- düt i injins dl implant mëss avëi n sistem automatich a sensibilité termica che sera le gas sce na flama se destöda, sciöch’al é gnü preodu cun la zircolara dl Minister di Interns di 9 d’aurí 1975 nr. 5038/4183; i implanc dal gas mëss ince podëi gní destacá dal’intern dla baraca, tënda o local olach’al vëgn cujiné;
  - ti locai olach’al vëgn adoré implanc/injins che fej y mëna cialt (forní de ciasadafüch) mëssel dagnora ester n destodadú cun na capazité da destodé minima de 34A-233B-C y na cutra apostea da destodé.
- 3) Daite tles baraches o tëndes dla manifestaziun y ti locai dlungia y tles tëndes olach’al pó ite le publich ne pól te degun caje gní tigní bomboles dal gas, independentamënter dala forza termica di implanc/injins.
  - 4) Les baraches, i locai che alda lapró y les tëndes mëss avëi n implant d’ilominaziun sön mosöra y na ilominaziun apostea en caje d’emergëenza, por ti garantí al publich n bun sorvisc che pita ince na possiblité d’evacuaziun sigüda en caje d’emergëenza o de malfunzionamënt.
  - 5) La proietaziun di implanc a gas y a strom (implanc da destodé) mëss gní fata aladô dla L.P. nr. 1 di 25.02.2008 y dl decret dl Presidënt dla Junta provinziala nr. 3192 di 30.12.2009. Ma por Südtirol él gnü aprové modei de detlaraziun de conformité che vel sciöche zertificaziun che i implanc é gnüs istalá a regola d’ert, aladô dl art. 12 dles prescriziuns dl Ordinamënt nü dl artejanat (decret dl Presidënt dla Junta provinziala nr. 27 di 19.05.2009). Tl rest dl teritore nazional él por düt i implanc debojëgn d’avëi la detlaraziun d’istalaziun a regola d’ert do norma, sciöch’al é odü dant dal Decret Ministerial nr. 37 di 22.01.2008.
  - 6) Sc’al vëgn metü a jí manifestaziuns ti zëntri abitá mëssel te vigni caje gní garantí che les scuadres d’emergëenza di Stödäfuch y di sorvisc de pröm aiüt pois rovè pormez y jí ite te vigni ciasa y frabiqat te vigni momënt. Por chësc fin velel chëstes prescriziuns por i trus d’azes: al mëss gní garantí n’altëza lëdia de 4 metri, na larghëza minima de 3,5 metri y le rai da oje ne pó nia ester mënder co 13 metri.
  - 7) Le sorvisc de proteziun cuntra le medefüch mëss dagnora gní garantí. Sc’al vëgn metü a jí manifestaziuns olache la lege y l’Ofize dla comisciun provinziala por les manifestaziuns publiches ne vëiga nia dant le sorvisc di Stödäfuch, mëss l’organisadú garantí le sorvisc de proteziun cuntra le medefüch cun so personal de sorvisc.
  - 8) Canche le sorvisc di Stödäfuch é d’oblianiza tol la Comisciun provinziala de suraverda, sön proposta dl representant di Stödäfuch, la dezijiun sön le numer dles persones che mëss ester de sorvisc, tolon sciöche parameter la grandëza y la sort dla manifestaziun (zircolara dl Presidënt dla Junta provinziala di 27.06.2001):
    - pro sperses lëdies y strades publiches, olach’al vëgn metü a jí manifestaziuns cun plü co 10.000 persones che tol pert, mëssel ester 4 unités de sorvisc cina n mascim de 15.000 persones y 1 na unité por vigni 4.000 persones che vëgn lapró;
    - te tëndes olach’al pó ite plü co 500 persones mëssel ester 2 unités de sorvisc cina a n mascim de 1.000 persones; por vigni 500 posé che vëgn lapró mëssel gní injunté öna na unité de sorvisc.

L’ispetur di Stödäfuch en ponsiu Walter Depaoli é a desposiziun de düt i interessá che á domandes spezifiches da fá y é da abiné al numer de telefon 335 472140.